

# مراحل الارتباط بالقرآن الكريم في رمضان | د. أحمد عبد المنعم

أحمد عبد المنعم

عايزين نتكلم سريعا كده النهاردة عن حاجات عملية او استفادات عملية ازاى نستفيد من القرآن او بنحاول نوصل مع الطريقة المثلى لاستخدام القواعد. فاحنا عايزين ان رمضان اللي جاي ده زي ما اتكلمنا اكثر من مرة انه يبقى فرصة عملية. يعني زي بالزبط كده -

00:00:00

مع الفارق في التشبيه. احنا بقى لنا فترة بتتدرب. احنا المفروض هننزل بقى. يعني خلاص انت هتنزل الملعب. ما انت بقى لك فترة عمال تتدرب اه سواء بقى التمرين او - 00:00:20

آ بتتدرب بقى الكورة او بتتدرب على اي رياضة معينة. وبعدين جه وقت السباق. جه وقت انك انت المفروض الحاجات اللي انت سمعتها بقى لك فترة طويلة. تبدأ تنفذها فانت لو جيت مسلا انت بقى لك فترة بتتدرب او بتسمع وجيت في رمضان وحسيت ان ما فيش اي تغير - 00:00:30

في علاقتك بالقرآن في هنا خلل. ده مش معناه انك تروح ترمي نفسك في النيل لان النيل اصلا مش هيبقى موجود زي ما انتم شافين. اه ده معناه انك انت محتاج تصلح علاجتك بالقرآن. ده معناه ان في ايه؟ في خلل مش في - 00:00:50

بعلاقتك انت بكتاب الله سبحانه وتعالى. فاحنا عايزين نكون يعني عايزك تبقى جريء في اكتشاف نفسك بالكورة. يعني خلينا نتكلم بصراحة. احنا المفروض عايزين نقرب من القرآن. طيب لو انا ما هستش بدفع مباراة. وده الموسم - 00:01:10

وده وقت الشغل اصلا. يبقى انا فيه مشكلة. يبقى انا محتاج اراجع نفسي. محتاجة اه يعني اواجه نفسي. واقول انت كنت ماشي غلط. انت بتضحك على نفسك طب ده معناه ايه؟ معناه انك محتاج تشتغل صح. خلاص؟ فاحنا هنحاول نحط نقاط عملية نحاول نعملها مع بعض كده. يعني قصدي يعني كل واحد يسعى انه يطبقها مع نفسه - 00:01:30

في رمضان ونشوف اسر ده. وهنتكلم ان ان الارتباط بالقرآن او ده مستويات او مراحل. ودي المراحل اللي احنا هنتكلم فيها. هنتكلم المرحلة الاولانية هي ابسط مرحلة كذا. المرحلة الثانية يزود كذا. المرحلة الثالثة يزود كذا. هنتكلم ان في مراحل ان الانسان يحاول مش لازم طبعا مش معناها انه يخلص - 00:01:50

مراحل في رمضان. لآ انت بتحدد مرحلة وبتقف عليها او بتزود مرحلة بعدها وبتعيش على المرحلة دي طول رمضان. بتحدد مستواك وبتشوف بعد كده انت طلعت مرحلة يبقى رمضان الجاي ان شاء الله انت تطبق المرحلة اللي اعلى من كده. خلاص؟ طريقة في التعامل مع كتاب الله. يعني مسلا تقرا الجزء طب تقراه ازاى؟ تقراه امتى - 00:02:10

نضيف عليه ايه؟ دي الحاجات اللي احنا نحاول ايه؟ نقولها مع بعض. في اشكالية بس الاول لازم نحطها اه نص بقى عيوننا فاحنا داخلين رمضان ان القرآن عايز تركيز. يعني يعني انت عارف في مادة ينفع تذاكرها كده ايه؟ آ وانت قاعد يعني - 00:02:30  
تسمع حاجة وقاعد بقى تذاكرها مع اصحابك. وفيه مادة لا دي عايزة ايه؟ ممكن انتم ما شفتوهاش قبل كده مثلا او ما جربتوش الشعور ده جدا. تمام فيه مادة عايزة ايه - 00:02:50

عايزة تركيز ما ينفعش تذاكر مع حد ما ينفعش تبقى قاعد حد بيتكلم. ما ينفعش يبقى فيه حاجة شغالة. عايزة تركيز تام. مسلا معادلة معينة بتطبقها ودماعك بتتعب بتفكر في حاجة. حتى لو في ناس حواليك انت مش شاغل بالك بوجودهم. لان انت مركز دلوقتي. فالقرآن انت محتاج - 00:03:00

توصل للمرحلة دي من التركيز. لما ربنا سبحانه وتعالى يقول ولو ان قرآنا سيرت به الجبال او قطعت به الارض او كل به الموتى بل لله

الامر جميعا. اي لو قدر لو ان الله عز وجل قدر ان القرآن يكون له اثر حسي - 00:03:20

ليس اثر معنوي فقط لو ان الله عز وجل قدر ان يكون للقرآن اثر حسي وليس اثر معنوي فقط لكان هذا الاثر هو الجبال وتقطيع الارض وتكليم الموتى. كما ان الله عز وجل قدر لعصا موسى ان يكون لها اثر حسي. لما ضرب البحر وضرب - 00:03:40

حجر انفجرت العيون. فالقرآن له اثر معنوي على الانسان. يغير الانسان. يجعل الانسان تصيبه قشعريرة في الجلد ثم طمأنينة. فيتغير ده اثر معنوي. نعم يكون له اثر ملموس بعد ذلك. لكن الاصل انه اثر معنوي على الانسان. فربنا يقول ان لو قدر ان جعل الله عز وجل تأثير - 00:04:00

القرآن تأثير حسي لو انزلنا هذا القرآن على جبل لرأيت خاشعا متصدعا من خشية الله. طيب هذه الاثار او ما يشابهها اثار معنوية انا لا المسها في حياتي. يبقى في خلل في التعامل مع القرآن. وده المحور اللي بنتكلم عليه اغلب الفترة اللي فاتت. ان ازاى - 00:04:20  
ربنا يوصف القرآن والله سبحانه وتعالى ومن اصدق من الله قيلا. طالما ربنا قال يبقى ده صدق وحق. ازاى ربنا بيوصف الاثر ده للقرآن وانا لا هنا في خلل. دورنا في الفترة اللي فاتت بنحاول نبحت عن هذا الخلل. ان في آيات صعبة. ان في آيات محتاجة شرح. ان اللغة العربية اصبحنا اعاد في - 00:04:40

في لساننا فابتعدنا عن القرآن ان احنا بنقرأ والقرآن واحنا مش مركزين بنحاول نبحت عن الخلل. من هذا الخلل ان القرآن يحتاج الى ايه؟ قلت القرآن يحتاج الى ايه؟ الى - 00:05:00

تركيز يعني قراءة القرآن النافعة المؤثرة المتدبرة اللي بتعطي اثر ما ينفعش تكون قراءة عابرة. ده بتوصل لمرحلة اعلى من كده. ده انما انت تبقى خلاص مصاحب للقرآن. كنت احيانا اسير مع آ بعض اخوانا اللي استفدت منهم كثيرا في القرآن. دكتور حازم جزاه الله خيرا. كنت احيانا امشي معه بالليل - 00:05:10

هنعدي مسلا يكون دكان كده محل مقفول وسايب ازاعة القرآن والحصري شغال الساعة واحدة بالليل. وفجأة الاقي الاقيه قعد على الارض انا مش فاهم في ايه انت ايه اللي حصل؟ فعلا انا ببقى مش فاهم هو انت ايه اللي حصل؟ وبعدين قعد ساكت - 00:05:30  
واحد يسمع. ايه انتم ما عندكوش راديو في البيت ايه يعني ايه ايه يعني انا مش فاهم ايه الجديد احيانا برضه كنت اخرج معه سبحان الله انت مش من هنا ولا ايه؟ ده الشمس عادي فتحس ان هو انت بتوصل احيانا لمرحلة - 00:05:50

انك انت بتري الايات رؤية مختلفة وما بتحتاجش كثير عناء. لانك انت جاهدت قبل كده. وما كان الله ليضيع ايمانكم. المجهود ده ما بيضيعش عند ربنا سبحانه وتعالى اللي بزل مجهود في ان هو يكحت الصدأ من على قلبه او ان هو يرتبط بالقرآن او انه قعد سهر ليلة او ليالي في فهم سورة - 00:06:10

ربنا ما بيضيعش ده. بعد فترة بيلاقيه بيلمس بسرعة. يلاقي الامام بيقرأ وهو لسه مش محضر ولا اي حاجة. واقف في الصلاة. فجأة لمس مع الايات وبكى. وعاش ومش لازم - 00:06:30

الاثر يكون البكاء. فجأة ارتبط بالايات اللي بتقرأ. ليه؟ لانه بزل مجهود. وما كان الله ليضيع ايمانكم. ابدأ ما ربنا ما بيضيعش المجهود ابدأ اللي بتبزل مع كتاب الله طيب نرجع ثاني لنقطة اللي انا عايز اتكلم فيها. ان القرآن يحتاج الى ايه؟ الى تركيز. طالما انت لسه ما وصلت لمرحلة انك بتلبس مع القرآن بسرعة - 00:06:40

الاشكالية اللي بتقابلنا العملية الحقيقية اللي بتقابلنا في رمضان اللي جاي ده حقيقة حاجتين. انك انت يا اما تقرأ القرآن بالنهار يا اما هتصلي به او تسمعه بالليل النهار احنا في الصيف والدنيا حر والكهربا ممكن تقطع. وانت تعبان. فانت ممكن ما تبقاش عارف تركز. فانت لازم تبقى واخذ بالك انك محتاج تبني - 00:07:00

مجهود مضاعف بالليل انت طبعاً بتقعد طول اليوم في النهارده الحر ده صايم فتيجي اول ما بمجرد ما الازان المغرب ايه ببدا انت بتنطلق بتنطلق وتقعده بقي ايه يعني يعني ما تذر من شيه اتت عليه الا جعلته مكرمين - 00:07:20

بيجي يعني ايه بينسفه فيه عصاير اكل مش فبيجي واقف في الصلاة يعني ايه؟ يتمنى لحظات الصيام بيبي يقول يعني بيبي شخص مختلف تماما. الفكرة طب هنركز امتى؟ يعني بما ان القرآن انا بدأت في مقدمة بما ان القرآن محتاج تركيز - 00:07:40

وبعدين انت بتاكل وبتشرب كثير لان انت حران طول اليوم وتعبان. بالنهار طويل جدا. طب اسأل الله ان يعيننا على الصيام. وان يجعلهم سهلا ميسرا عليه. فانت محتاج تكون فاهم الاشكالية دي. انك انت تتعامل مع الاشكالية. انت داخل موطن نفسك داخل رمضان موطن نفسك. ان انت - [00:08:00](#)

صعبة عشان القرآن. انما انت تعبان وفاتح المصحف وقاعد ماسك وفارد نايم كده فارد رجلك وسند على الحيطه. وقاعد بتقرا القرآن من بعد العصر في المسجد. واحد كل شوية تفوق اذن. طيب وتقلب الصفحة. انت مش عارف ايه اللي بيحصل ولا ايه؟ ولا انت بتقول ايه اصلا؟ وشف بقى لو لا قدر الله - [00:08:20](#)

مش هتتقفل غصب عنك ترجع هو انا كنت واقف فين يا جدعان! انا هرجع ثاني من الاول انا اصلا مش فاكر انا كنت بقرا ايه اصلا! ولا في سورة ايه ولا وده انا مش باكملكم - [00:08:40](#)

هل على على اساطير انا بتكلم على واقع انا عشته واغلبننا عاشوا. ان هو مش مركز. وبعدين يقول لك ايه؟ بس انا ما زلت موجود ومش حاسس لا ما هو حضرتك فاهم المجهود غلط. يعني حضرتك ماشي كده في سكة غلط انت لو فضلت كده ميت سنة الى ان يشاء ربي شيئا. آآ انت - [00:08:50](#)

كده ماشي في سكة غلط الارتباط بالقرآن. الفكرة انت لازم توطن نفسك من الاول لا القرآن محتاج مجهود. انت عايز ترتقي في العلاقة. يبقى لازم ترتقي في المجهود. انت عايز ترتقي - [00:09:10](#)  
العلاقة بكتاب الله يبقى لازم ترتقي في المجهود اللي بيبدل. انت قاعد مركز هتركز من الظهر للعصر خليك من الظهر العصر. هتنام بعد الظهر وتركز العصر. خلاص يعني لازم تبقى قاعد - [00:09:20](#)

ركز ان دي حاجة مهمة انا رايح دلوقتي اقرأ الورد اللي هصلي به بالليل او هسمعه بالليل. انا دلوقتي بعمل حاجة مهمة مش عايز دوشة. هروح اقعد في مسجد لوحدي - [00:09:30](#)

اقعد في مسجد مع اخواني كل واحد لوحده. مش عايز دوشة. هاسمع القرآن بصوت باحبه الجزء ورا بعضه من غير ما اقطعه مش عايز دوشة انك انت توصل انك انت تبزل المجهود ده. ودي رقم واحد. ده دي المرحلة الاولى. ونبدأ دلوقتي الكلام في المراحل رقم واحد. لو انت هتمشي - [00:09:40](#)

جزء جزء وهتحاول تصلي بمسجد بيصلي بجزء او مسجد بيصلي بحزب وتكمل انت بقيت الحزب لوحده بالليل تصلي به فانت هتقرأ آآ جزء في اليوم هتدبر او حاول تعيش مع جزء في اليوم. الجزء هتقرأه بالنهار وتصلي به بالليل سماعا او قراءة. انت هتسمعه للتراويح - [00:10:00](#)

او تسمع جزء وتقرأ انت جزء. حزب يعني وتقرأ انت حزب. المرحلة الاولى ان تقرأ انت الجزء اول. لكن مش اي قراءة يبقى المرحلة الاولى ان انت تقرا الجزء بتركيز. يعني الجزء بيتقرا بسرعة في مسلا سبعتاشر دقيقة او تمتاشر دقيقة. لا انا مش عايزك تقراه كده - [00:10:20](#)

كان عايز ياخذ منك ساعة ونص قراءة. لكن تقرأ بالراحة. ثاني الاية دي ثاني معلى يعني الاية دي هقراها ثاني. خلاص؟ حسيت ان انا سرحت. لا انا هرجع الربع ده. لا انا انا الربع ده تهت كده وفلان كان بيتكلم وحصل مشكلة - [00:10:40](#)

وفلان اتصل لا لا انا معي الربع ده ثاني. انا ما وريش حاجة اصلا. انا ما وريش غير ان انا بقرا الجزء بالراحة. معي جنبى ورقة كلمة مش فاهمها او - [00:11:00](#)

اية مش فاهمها بكتبها وابقى اسأل فيها ان شاء الله. ده المرحلة الاولى انك انت بترتبط بالقرآن بدون وسائل مساعدة لسه. تقرأ بتأني عشان تكتمل المرحلة دي تيجي بالليل تسمع الجزء ده ثاني او تقراه ثاني. فتصلي ورا في مسجد بيصلي بجزء او بيصلي بحزب وانت تكمل انت لوحده - [00:11:10](#)

دي المحاور الاولانية. احيانا يظن البعض ان دي صعوبة. ده احنا لسه بنتكلم في ايه؟ الحالة الاولى. لا احنا دلوقتي بنتكلم يعني كما قلت انت تريد ان ترتقي في علاقتك بالقرآن. اللي عنده الرغبة دي يبقى هو اللي يسمع الكلام اللي انا بقوله ده. مش قصدي يسمعه

يعني ينفذه. قصدي يعني - 00:11:30

هو اللقاء يعني انا قاعد مع ناس المفروض ان الغرض الارتقاء في العلاقة بكتاب الله. الغرض ده مش عندهم يبقى الكلام اللي انا هقوله ده كله ما لوش اي لازمة. خلاص روح اقرأ - 00:11:50

في رمضان ربنا يوفقك. واكثر من الختمات وربنا يعينك وخلاص. انا مش ده اللي انا بتكلم عليه دلوقتي. انا بتكلم اللي عايز يرتقي في العلاقة. عايز وقفه بتبقى مختلفة عن كل سنة. عايز ان على الاقل انا مش هقول لك ان من اول لحزة ومن اول جزء التمن ركعات هتبقى قاعد فيهم فايق ومركز - 00:12:00

وما فيش اي هتقع منك. ده مستوى عالي جدا. لكن انت بتحط هدف قدامك. صعب. خاصة لو المسجد بيقرأ بسرعة او مع الحر او حاجات هتقع منه. لكن ما ينفعش ان التمانية يقعوا. لا هنا محتاج تراجع نفسك. خلاص؟ يبقى رقم - 00:12:20

واحد ان انا بقرأ الجزء بتركيز لو قابلني كلمة مش فاهمها او اية ورقة وقلم بكتب فيهم الحاجات دي وبعدين ربنا ابقي اسأل فيها. طب لازمته ايه لما انا مش هسأل فيه في نفس اليوم؟ ان انا بكتب؟ ان انا لو انا خلصت الجزء والورقة ديت فاضية يبقى حاجة من اتنين - 00:12:40

يا اما حضرتك الامام ابن كسير المتنكر يا اما حضرتك كنت بتقرأ حاجة تانية. اصل مش معقول ان الجزء اللي فات ده كله انت ما عندكش فيه ولا سؤال. مش معقول ان الجوز ولا كلمة انت مش عارفها! ما شاء الله لا قوة الا بالله! يبقى ده يبقى انك بتطلع من ورقة فاضية - 00:13:00

الجزء ده علامة ان انت ايه حاجة من اتنين. خلاص؟ طيب. الورقة دي بتعرفك انت فايق ولا مش فايق انت انت مركز ولا مش مركز؟ وزى ما قلت لك انت عدى منك ربع ارجع تاني. عدى منك صفحة ارجع هاتها تاني. خلاص - 00:13:20

دي الايه؟ المرحلة الاولانية. المرحلة الثانية ان انا باقرأ نفس المرحلة بالزبط باقرأ الجزء بتركيز. لكن مع هامش على المصحف معاني الكلمات. الكلمة اللي مش عارفها انا مش باكتبها انا بادور عليها فعلا. يعني مش هاستنى بقى هاكتبها - 00:13:40

انا حاليا هقوم وانا قاعد حالا ادور عليها فده هيجتاج وقت اطول. ممكن اضم مرحلة ثلاثة مع مرحلة اتنين ان يكون على الهامش شرح مبسط للاية فبقراً الورد بتاعي اصلا مش من المصحف ده. باقرأه من تفسير جايب صفحة المصحف وهو تفسير على هامش المصحف - 00:14:00

عشان مش كل شوية هقفل المصحف وابص. لأ انا اصلا الورد بتاعي اللي يحط فيه علامة انا واقف فين؟ اصلا اللي بتحرك به ما بسيهوش في اي مكان وباخده معي في كل مكان - 00:14:20

هو المصحف اللي عليه التفسير في الهامش. طبعا ده يفترض انك تقتنيه من بدري. خلاص رمضان غالبا يوم الاثنين. يعني انت المفروض تقرا الجزء امتى حد بالنهار؟ يعني الترويح لحد بالليل. يعني المفروض يوم الحد الصبح او الحد العصر انت هتحدد الوقتي بتاعك - 00:14:30

يكون على المغرب مخلص الجزء. لان من المغرب العشاء انت بتستعد للصلاة هتشوف هتصلي فين؟ يبقى انت غالبا بتحاول ترتب نفسك ان جوزي يكون خلصان على المغرب. يبقى انت لازم بتقتني ده ويبقى معك. سواء المصحف اللي عليه كلمات الهامش او مرحلة ثلاثة - 00:14:50

ان مش بس كلمات ان يكون في شرح مبسط للاية. مثال تفسير الميسر المختصر في التفسير. اي اي حد عنده التفسير الوجيز في مختصرات كثير. هنا احنا مش في مرحلة الانتقاء. طالما احنا بنبدأ لاول مرة غالبا ان شاء الله اي حاجة هتبقى كويسة - 00:15:10

ممكن يكون واحد متقدم في العلوم الشرعية وبقراً برده مختصر لان وقته مش بيسمع فبيقراً المختصر ممكن يقرأ زوجة التفسير بتاع الشيخ الاشقر واختصر فتحي القبيل لتفسير فتحي القدير. او اي مختصر مختصر لابن كثير او مختصر للقاسمي. في مختصرات للتفاسير بس دي بتبقى صعبة - 00:15:30

تفسير الجلالين. دي بتبقى صعبة شوية. ان هي تبقى تفاسير لبعض المتقدمين او حتى المتأخرين. لكن بتبقى لغتها صعبة شوية. احنا

خلينا ممكن اللي ما لوش آآ باع في بعض العلوم الشرعية او لسانه لسة لم ينطلق فهم مصطلحات اللغة العربية - 00:15:50

ولغتي المتقدمين عليه يقع لحد من المعاصرين. التفسير الميسر او المختصر في التفسير او التزامن في التفسير الوجيز لوهب الزحيلي. مختصر مركز تفسير اه اي حد شايف حاجة معاصرة كويسة يقرأ فيها ما فيش مشكلة. خلاص؟ يبقى دي لو حد بيدرس ما شاء الله - 00:16:10

طيب بكرة ان شاء الله فيه بازن الله عز وجل مصاحف فيها تفسير على الهامش اللي هو المختصر في التفسير بتاع التفسير الميسر بيتعايد القرني او بتاع اللي عملاه السعودية ايا كان ايه هو وزى ما قلت لك احنا - 00:16:30  
دلوقتي مش في مرحلة انتقاء. ما تقعدش تقعد تتقي ويضيع عليك. اول خمس ست ايام وانت لسه بتختار. ابدأ في اي حاجة. لكن ده المفروض بتقرأ جزء بتركيز برضه ما ننساش نسطحب الخطوة الاولى. احنا احنا بنزود على الاولانية مش مش بنشيلها. الخطوة الاولى قراءة - 00:16:50

جزء بتركيز خلاص يعني مسلا لان احيانا ده بيلخبط انت بتقرأ صفحة المصحف وفيه هامش اعمل ايه؟ طبعا انا مش اللي انا بقوله ده له اجتهادات يعني ده مش مش حاجة توقيفية انك لازم تعمل كده. مسلا انا افضل انك تقرأ الصفحة على بعضها بتركيز وبعدين ترجع تقرأ التفسير - 00:17:10

او لو تكلمة القصة لها تكلمة خلص تكلمة القصة بتركيزه. وبعدين ارجع اقرأ تفسير الايات. ويا سلام لو بعد ما قرئت التفسير باصص بعينك بسرعة على الصفحة تاني. يبقى انت قررتها بتركيز قرئت التفسير بسرعة. مريت كده بعينك كانها مرة ايه؟ قبل وبعد - 00:17:30

خلاص؟ اللي اللي بيتكر خطوات تانية كويس اللي شايف ان يقرأها نص صفحة بنص صفحة وبعدين يقرأ التفسير. اي اية صعبة شوية. لكن هو مش استريح كده ما فيش مشكلة. يعني اقرأ الاية ويبص في نفسنا. وبعدين اقرأ الا بعد شوية خصوصا لو الايات مرتبطة ببعضها. ممكن يفسد. لكن هو مستريح كده ما فيش مشكلة - 00:17:50

خلاص؟ يقرأ المرحلة الاولى يقرأ الجزء بتركيز عشان يسمعه تاني بالليل لو مش هيصلي في مسجد بجزء يصلي في في يصلي في مسجد فيه حزب هو يجيب الجزء لوحده تاني. عشان يبقى قرا الجزء مرتين بتركيز. مرة قراءة ومرة في الصلاة - 00:18:10  
خلاص المرحلة الثانية دي المرحلة الاولى المرحلة الثانية المرحلة الاولى هيبقى معها ايه وهو بيقرأ؟ لا ورقة وقلم بيكتب فيها طبعا دي اجتهادات اللي شايف ان برضو في حاجة تانية بتساعده على التركيز او السؤال. يعني مش عايز واحد يقول ايه؟ طب ينفع بدل ما يبقى معي ورقة وانا مكتب في النوت؟ يعني عمال تكتب في - 00:18:30

يعني اكتب في اي حاجة خلاص يعني مش احنا فاهمين طبعا. خلاص؟ اه. اه مش ظاهرين يعني مش المذهب الظاهري. المرحلة الثانية معاني الكلمات. الثالثة تفسير ميسر. الرابعة دي مرحلة اعلى شوية. ان هو بداية - 00:18:50  
يقرأ تفسير قرر من الاول ان هو هيختم تفسير. هييجب تفسير بقى مش تفسير على الهامش. لا تفسير كامل للقرآن الكريم. مش على هامش المصحف ويقرأ الجزء بسرعة. هنا هنقلل ليه مش هقول انه التركيز؟ لان جزء التركيز هياخد منه ساعة ونص مسلا. لو وقت - 00:19:10

ضيق يمر على جزء بسرعة او حتى يسمعه بسرعة ويركز بقى ويقرأ في التفسير. لان هو بيقرأ اساء التفسير عينه بتيجي على الايات. وخاصة لو التفسير مش مقتصر على بعض الايات لان في تفاسير احيانا بتعدي بعض الايات. خلاص؟ او آآ - 00:19:30  
يقرأ برده جزء من الصفحة وبعدين يقرأ تفسيرها. طبعا هنا مرحلة عالية شوية حسب مرحلة الشخص ببدا يختار تفسير مبسط في الاول ما يكونش كبير قوي. اختيار التفسير على حسب هنا انتقلنا منه. التفسير اللي على الهامش لتفسير مش مكتوب على الهامش. ده تفسير لوحده - 00:19:50

اه بيختاروا على حسب حاجتين. كنت كاتب انا بوست على على الفيسبوك. ازاي تختار؟ بس دي المرحلة بقى الرابعة ايه العوامل اللي على اساس بتختار تفسير بتبني على عاملين مرحلتك الشرعية اللي بيبقى متوقف فيها في العلم الشرعي او زادك الشرعي اللي



هيكليك تفهم التفسير اللي بتقرأ فيه - 00:20:10

والوقت اللي ناوي تديه. يعني ممكن واحد متقدم في علوم الشريعة لكن عنده وقت قليل جدا. فيقرأ مختصر قليل بس تفسير صعب. او عنده وقت فيقرأ مثلا تفسير زي البيضاوي. هو مش هيدي وقت طويل هو تفسير الامام البيضاوي مش كبير قوي. في حين ان هو مركز جدا - 00:20:30

لدرجة ان اتعمل عليه حواشي عدت المتين تلتमित حشو. يعني اكتب عليه شروحات وتعليقات بيسموها الحاشية. عدد تلتमित حشو. وكانت احيانا في الدولة العثمانية بتشتترط على اي قاضي يمك القضا انه يكتب حاشي على التفسير وده من اسباب الاسباب التاريخية لزيادة الحواشي على السيم البيضاوي - 00:20:50

تفسير بهذا العمق وهذا الثقل ما ينفعش ان يقرأه مبتدأ ما بيتقاسش بالحج. معي؟ يبقى اذا احنا عندنا على اساسه بنقرر التفسير اللي هنختاره. الوقت اللي هاديه والمرحلة الشرعية اللي انا فيه. يعني لو الوقت اللي انا هاديه كبير والمرحلة الشرعية قليلة ده مش مع انك تقرأ - 00:21:10

المتقدم. لا تقرأ تفسير متأخر بس كبير. واضح؟ معي؟ يبقى انا في عاملين على اساسهم بختار التفسير لو انا مسلا الوقت اللي هاديه طويل ممكن اقرأ مختصر ابن كثير مش صعب لان بيتحذف منه - 00:21:30

وبعض مسلا التعليقات الحديثة بيتشال من ممكن اقرأ انا مختصر اختصار الامام المعاصرين مبارك فوري احمد شاكرك ممكن يبقى صعب شوية او طويل شوية عمدة تفسير. المصباح المنير اسهل شوية. اسهل اختصارا وكان بتاع احمد شاكرك اقوى شوية. ويمكن احمد شاكرك ما كملوش - 00:21:50

يا اسطى يعني حد يكمله طبعة دار الوفاء جابت حد يكمله. لكن المصباح المنير اختار ابن كثير يعتبر جيد نسبيا آآ كتفسير مبسط. الظلال يعتبر طويل طويل اوي. يعني لو حد مستسهل لغته طويل يعني - 00:22:10

لو ما حدش عنده فن ازاى يعدي المباحس الجانبية اللي بيعملها الزلال احيانا بيعمل مباحث مثلا في تحريم والفارق ما بين الشريعة والغرب في ازاى منعوا الخمر يعمل احيانا ابحاس بتطول. فالي ما عندوش خبرة او ما قرأهوش قبل كده انا - 00:22:30

لانه هيطول منه قوي. خلاص؟ آآ في برضو تفسير اسمه تفسير الموجز آآ في تفسير في يعني ايه اللي يلاقي اللي يلاقي اي تفسير من المعاصرين او لغته سهلة وحجمه مناسب - 00:22:50

ممكن يقرأها كل ما بتتقدم في العلوم الشرعية وده للأسف يا جماعة بيخلينا ان احنا آآ يبقى عندنا دافع شوية ان احنا نزود في العلوم الشرعية. بيتعلم لغة آآ ندرس بعض يعني الكتب في العقيدة او الفقه. بحيس ان انا بعد كده اعرف اكسر - 00:23:10

الحاجز اللي بينه وبين الكتب. انا مش عارف اقرأ شرح البخاري. مش عارف اقرأ ان الشرح بالنسبة لي محتاج شرح. مش عارف اقرأ تفسير القرآن. تفسير القرآن معناه ان اللي كتب الكلام ده كتبه عشان يشرح لي الايات. فانا بقرأ الكلام. انتم فاهمين انا فاهمين احنا وصلنا يعني - 00:23:30

انا بقرأ الكلام اللي مكتوب عشان يشرح لي فطلع محتاج يتشرح. فسمعت شرح التفسير من شيخ فطلع شرح الشيخ محتاج يتفهم. شوف احنا مين ابعده؟ احنا عاملين نبعده ما هو يعني انت مسلا بتسمع آآ شروحات لتفسير البيضاوي تمام البيضاوي عامل - 00:23:50

للقرآن كلام صعب فحد يبشر فبيسمعوا الشرح فطلع الشرح صعب فمحتاجين حد يبسط لهم الشر. يعني انتم تزوحوا بقى. فطب ما تكسر الحواجز. يعني طب واحنا ليه بنبعده؟ لذل دي نقطة مهمة قوي - 00:24:10

في يبقى عندنا موازنة ارجو ان الكلام بتاعي اتفهم كويس يعني ولازم يتفهم كويس طبعا آآ يبقى موازنة ما بين تبسيط الدين وبين عدم التنزل بالدين للناس. يعني ليه يروي عن النبي صلى الله عليه وسلم سواء الحديس المرفوع للنبي او موقوف - 00:24:30

النبي صلى الله عليه وسلم هو موقوف على ابي هريرة. اذا زينتم المساجد وزخرفت المصاحف فالدمار الدمار. او فانتظروا الدمار. ايه العلاقة بين هلاك الامم وسقوطها وبين زخرفة المساجد وتزيين المصاعب. ان احنا بقينا نهتم بالشكليات عن المضمون. النبي صلى الله عليه وسلم رأى في رؤيا ان ليلة القدر انه - 00:24:50

يسجد في ماء وطين. رؤية ان كانت علامة ليلة القدر انه يسجد بماء وطين. وبالفعل يقول الصحابي وكان في يوم ولم يكن في السماء ولو قزعة يعني السحابة حتى سحابة صيف معدية كان السماء صافية وبعدين جاءت سحابة - 00:25:10  
وامطرت وسجد النبي صلى الله عليه وسلم آآ في ماء وطين. هذا المسجد هو الذي اخرج الرجال. المسجد اللي ده هو اللي اخرج انا مش بقول ان احنا نروح نرش طين في في المساجد هيقول ان احنا احيانا عمالين نبسط ونسهل ونزخرف ونعمل وننزل - 00:25:30  
طب ما احنا محتاجين ناس تطلع شوية برضه. يعني زي ما احنا محتاجين ننزل لهم ونبسط لهم. احنا محتاجين نعلم الناس ان هي تعمل ايه؟ تطلع. ويبقى في نموزجين موجودين لا ينكر على هذا - 00:25:50  
يعني اللي مصمم ان هو يخلي الناس تجتهد قليلا حتى يعني ايه؟ ترتقي. ده كويس انه يفضل موجود. مش كله ينزل. ودي اشكالية احيانا في الطرح الديني ان لما بيلاقى حد تنزل في الطرح شوية عشان يعني يناسب بعض الناس يقوم الكل نازل يقوم الطرح العالي يقل ولا يصبح - 00:26:00

الاقبال. طب ما دي اشكالية. احنا انا بقول ايه محتاجين توازن. عايزة فقه في مصالح الدعوة واختيار الشخص لنفسه ان هو هيخاطب ايه الفئة اللي او ان هو يفضل ثابت على معنى معين ما ينزلش عنه. عشان مش الكل يحصل الكل يتنزل في الخطاب الدعوي. ونرجع ثاني ان احنا محتاجين - 00:26:20  
نكسر هذه الحواجز. يعني انا اكتشفت دلوقتي ان انا في اية مش فاهمها والتفاسير كلها قدامي معي في الموبايل. يعني انا معي في الموبايل دلوقتي اه انت مسلا معك في دبي ما لا يقل عن عشر تفاصيل. ومش عارف تفتح تقراً. طب ليه؟ طب ما احنا اتعلمنا لغة واتعلمنا برامج - 00:26:40

بدأنا نتعامل مع آآ حاجات مسلا ما كناش بنعرف نتعامل معها. طب ليه ما نتعلمش لغة؟ يعني ايه الحاجات دي تبقى صعبة؟ يعني مش قصدي انا قصدي اللغة العربية ليه ما نكسرش الحواجز بيننا وبين الكتب العلمية؟ يعني ليه دايمنا عندنا؟ حاجز لا الكلام صعب. طب ما تقراه واللي مش فاهم - 00:27:00  
بيسأل فيه طب ما جه حتى لو انت التفسير اللي بتقرأه خمسة وعشرين في المية او ثلاثين في المية او اكثر قليلا مش فاهمه ومش مهم السبعين في المية دول هيفيدوك. معي؟ يبقى ازا المرحلة الرابعة انك انت تقراً تفسير وده بيحتاج وقت منظم - 00:27:20  
جدا وان يكون وقت مقدس. قراءة التفسير ما تنفعش تبقى قراءة. آآ يعني سريعة وخلص. انت بتقرأ عشان تفهم ما ينفعش الحاجة اللي هتقربك من القرآن تكون بتسردها بسرعة. يعني محتاج تقراها بالراحة. ممكن بعد كده يبقى عندك ملكة القراءة السريعة - 00:27:40

فهم هذه هذه المصطلحات وفهم الكلام المفسر. خاصة لو بتقرأ التفسير ده للمرة الثانية او للمرة الثالثة بتمر عليه. زي ما قلت لك انت بتختار التفسير على اساس حاجتين مرحلتك الشرعية اللي انت متوقف فيها او زائد قصدي الوقت اللي ناوي تديه للارتباط - 00:28:00

يبقى ازا احنا في مرحلة خمسة وستة لكن دي على حسب اللي هيبقى اوقات اطول ومراحلك ومرحلة شرعية متقدمة. نرجع بقى لكلامنا يبقى ازا احنا بنخلص ان ما فيش حاجة اسمها ربنا يسر ان شاء الله في التراويح كده. ايوة ان شاء الله ربنا يسر طب ماشي. ايوا يعني ان شاء الله - 00:28:20

انا ناوي اركز في الصلاة. ايوة يعني ناوي اركز في الصلاة يعني هتعمل ايه؟ يعني اولاً انا عايز نتكلم على تلت مستويات في الصلاة عايز اتكلم على تلت مستويات في الصلاة. اول حاجة اللي بيحاول يركز. ثاني حاجة المركز. ثالث مستوى - 00:28:40  
في فرق ما بينهم. مستوى اللي بيحاول يركز. اللي بيحاول يركز اساء الصلاة ده هو ما بزلش حاجة يعني هو مش محضر الجزء. فهو قاعد آآ انا طب وبعدين ما هو ما بيحيش كده - 00:29:00

ما بيحيش كده. طب انا هصلي جنب الياه؟ هصلي جنب المايك. عشان طب انا هصلي ورا الامام. طب انا هصلي جنب التكييف. طب انا جنب هي مش هي مش كده. اللي تخيل بقى واحد بزله ودعا ربنا ومحضر الجزء وراح - 00:29:20

تدريب وقاعد بيدعي ربنا انه يوفق ده ما بيبقاش عرقان دخل خد دش قبل الصلاة يعني تخيل واحد مجهز بيفكر الشيء الهم التركيز في الصلاة. فجاي بيوفق طبعا ده مش معناه ان مش كل اللي عمل كده انه هيلقي نفسه مركز هيحاول يركز برضو - [00:29:40](#) باسم محاولات نافعة لان الاية دي اه لا انا انا اركز بقى لان انا ايه قاري الكلام ده وانا الصفحة اللي جاية دي انا قاريها راحت مني الصفحة دي الصفحة اللي بعدها - [00:30:00](#)

منقل جزء وقاري ومحضر. انما اللي انا عارف هو بيقرا في سورة ايه. ولا انا عارف هو بيقرا في خاتمة ايه. وانا مش عارف اصلا هو فين دلوقتي ولا في جزء ايه مش عارف - [00:30:10](#) انا كل اللي هآمني ايه احب الكلمات الى قلبي الله اكبر. يعني انا منتظر اسمع انه يركع. السلام عليكم ورحمة الله. ما هو الركوع انت بتبدأ تفوق شوية يعني يتحرك في نفسه. انما طول ما انت واقف انت احيانا الركعة تفصل. ما فيش مشكلة. هات اللي بعدها. بلاش الشيطان يقول لك ايه؟ خلاص - [00:30:20](#)

خلاص هي باظت. لا هي ما باظتش. جاهد نفسك حتى ما تضيعش التحيات. يعني اتعود دايم ان ما فيش حاجة اسمها هي باظت. لا ان شاء الله ما باظتش. انا هاجيب اللي فاضل. معي؟ يبقى دي المرحلة الاولانية والثانية اتكلمنا فيهم. اللي رايح مش - [00:30:40](#) واخذ اي احتياطات وهو معتقد ان تركيزها هيجي له فجأة وواعد هناك الثانية لأ اللي مركز بالفعل مركز يعني ايه؟ يعني كل كلمة بتتقرا هو قريب وقال الجزء طبعا اللي حافز ده مختلف. ربنا يرزقنا حفظ القرآن ويستقر في صدورنا مختلف - [00:31:00](#) ما بيفوتش منه حاجة. قاعد مركز آ عارف الامام فين بالظبط عارف الصفحة فوق ولا تحت. مركز بيقرب المصحف في دماغه قاعد مركز مع الامام احيانا عشان يعني ما تتفاجئش احيانا تكون مركز مش خاشع. الخشوع ده مرحلة اعلى - [00:31:20](#) يعني التركيز لا يعني دائما الخشوع. يعني احيانا انت مركز وعارف هو بيقول ايه. وقاري التفسير لكن سبحان الله! مش في جو ايماني معين. مش متأثر ما تزعلش. استمر بس في التركيز. الخشوع احيانا يكون هبة من الله سبحانه وتعالى. هبة من المالك سبحانه وتعالى اللي بيجتهد او معنى ايماني انت عايشه - [00:31:40](#)

او ده بقى محتاج مؤثرات ايمانية مش تحضير معرفي. ثاني الخشوع بقى احيانا انك انت تكون مش بتقرا بس تفسير الكلمة او معنى الاية او انا فهمت الحكم الشرعي ده او سبب نزول الاية دي او اه ده انا فهمت القصة ده انا كنت فاهمها حاجة ثانية خالص - [00:32:00](#)

يا جماعة احد الناس كان آ احد الاخوة كان بيسأل او سمعته بيقول بسبب انه قرر انه يقرأ تفسير كامل في رمضان آ احد الاخوة الافاضل ملتزمين يعني. حد بيسأله بيقول له هو ايه معنى كلمة سبحان الذي سخر لنا - [00:32:20](#) ما هذا وما كنا له مقرنين. عشان كده انا حكيت لكم القصة دي قبل كده ولا لا. فالاخ ايه؟ اخرج انه يقول له مش عارف يعني ايه مقرنين يعني؟ فقعد يفكر فقال له هي غالبا معناها مقرنين. يعني لا لا نقرن مع الله احدا. يعني لا نشرك معه احد. وما كنا - [00:32:40](#) موقنين يعني احنا اما بنشكر ربنا نشكر ربنا بس. طبعا المعنى ده ما لوش اي اساس من الاية؟ التأمين الصحي. ان شاء الله. اه. وكنا لهم مطيقين. بمعنى يا لهوي ايه؟ مطيقين. معي؟ فقرر لما عرف بقى المعنى انه لا ان هو هيقرا تفسير كامل للمصحف - [00:33:00](#) وبالفعل بفضل الله عكف على ذلك وقرأ تفسير كامل لكتاب الله ايه؟ يعني ايه مطيقين مثلا دلوقتي ان شاء الله في النسخة فالفكرة ان انت احيانا ممكن ربنا يقدر لك احداث تكتشف بها ان انت محتاج تقرأ - [00:33:20](#)

طيب انت لما قرئت معنى الكلمة انت قرئت معنى الكلمة. وفهمت سبب النزول. ده معرفة لكن انت احيانا محتاج مؤثرات ايمانية محتاج حد بقى ايه تسمع درس. بشريط واقع ايماني معين. تتدبر صوت حلو وتسمعه - [00:33:40](#) طلعت مكان قلوي سمعت درس يأسر فيك. ده ممكن يجلب الخشوع. معي؟ الافضل طبعا الجمع. وانت احيانا ممكن تبقى خاشع شوية وحاسس بجو ايماني لكن مش فاهم اغلب الكلام. فدي درجة برضو اقل. الاعلى الجمع بين الاثنين. تكون مركز فاهم الكلام اللي بيتقال - [00:34:00](#)

وبفضل الله عايش في حالة ايمانية خلي الكلام ده بيأسر فيك. معي؟ طيب آ ده تصور سريع كده عن كلام عملي لمحاولة الارتباط



بالقرآن مع فهم كويس العقبات اللي هتقابلنا. طبعا في عقبة الامتحانات الناس اللي عندها امتحانات. ربنا يكون في عونهم وييسر لهم  
امورهم - [00:34:20](#)

وربنا يبارك في الاوقات. ياما ناس امتحنت في رمضان ووفقت في ان هي تصلي وتقرأ القرآن. ربنا هيبارك بإذن الله عز وجل يعني  
فلا تميلوا كل اللي مات. حد عنده استفسار او سؤال؟ آآ الشيخ حازم - [00:34:40](#)

كويس؟ بتفسير الساعة دي يعتبر متوسط الحجم اللي المرحلة آآ مبتدأ آآ اللي مبتدئ خالص ممكن يقرأ ايسر التفاسير ابو بكر  
الجزائري. الساعة دي على الاقل على الجزء على الاقل ساعتين مركز - [00:35:00](#)

ما هو ساعتين قالوا لك على الاقل نقول يعني ممكن واحد يخلص الجزء الساعة دي بساعة ممكن واحد يخلصه ثلاث ساعات حسب  
سرعة قراءته. حسب هو قاري السعد قبل كده ولا لا - [00:35:30](#)

فانت خلي من يعني يعني اللي ناوي يقرأ الساعة دي انا رأيي الشخصي لو ما عندوش امتحانات يبدأ في الساعة دي قبيل العصر.  
يكسر كده بس شوية في الاول بتوع الجزء بحيس انه ايه دايم لما تيجي تبدأ حاجة وانت مخلص منها حاجة صغيرة بتساعدك انك  
تكمل. بعد العصر تصلي العصر وتقع في المسجد لغاية المغرب - [00:35:40](#)

كده ان شاء الله ممكن تخلص الساعة دي. استنى لو اول مرة تقرأه ممكن تخلص السنة. لا تبدأ مع الجزء بتاع البقرة بحيس انك ثلاثين  
يوم تخلص. يعني يوم الحد ان شاء الله قبل العصر الساعة مسلا اتنين ونص تبدأ في الساعة - [00:36:00](#)

خلصوا على المغرب. معي؟ ممكن تكون الاجزاء الاولى الساعة دي هتلاقيني مطول فيها شوية. فهاخدوا منك التلت ساعات ونص  
احياناً في الاول. تيجي بعد بعد كده الاجزاء الاواخر والساعة دي التفسير بيقل شوية. فتلاقيه خد منك ساعتين. فنقول متوسط من  
ساعتين لثلاثة. بس - [00:36:20](#)

التركيز يعني انت قعدت ساعتين فصلت فيهم ربع ساعة هيبقوا ساعتين ونص عشان ترجع ثاني تدخل في المود يبقوا ساعتين ونص  
ثلاثة خلاص حد عنده استفسار؟ يبقى ابو بكر الجزائري ايسر التفاسير كويس بس طويل شوية برضه هيجتاج وقت اطول. آآ مش  
مش اطول من السعد. السعد يعتبر نسبياً اطول - [00:36:40](#)

يعني هم موجودين هم الاثنين في مجلد واحد مضغوط. وهم الاثنين موجودين في ثلاث مجلدات مفردة. او احياناً طبعا فيها خمسة  
بس مفروضة على الاخر طبعا مجلدين. في الساعة دي فيه طبعا. اشهر حاجة طبعة دلوقتي طبعة المجلد الواحد. حد عنده استفسار  
ثاني؟ اي سؤال - [00:37:00](#)

الاستفسار بس هو اصل هو هيصلي بالجزء اللي بيتقرأ بكرة بالليل. هو عايز يكمل الجزء لو فطبعاً لذلک اللي هيقراً التفسير ويصلي به  
مع الامام ويرجع يصلي به ثاني لوحده. ده حاجة يعني. كل ما بتعيد الجزء على قلبك كل ما بتستفيد - [00:37:20](#)

اللي عنده امتحانات يدي وقت. عشان الموضوع بس ما اللي عنده امتحانات صعب انه يصلي بجزء يصلي في مسجد خلاص؟ يحدد  
ميعاد المذاكرة. يعني يحدد ميعاد المذاكرة. يحدد مسلاً ساعتين بعد العصر. المغرب وساعتين - [00:38:00](#)

مسلاً بالليل. دول مسلاً اربع او خمس ساعات يخليهم مركز فيهم في المذاكرة. وعنده يصلي التراويح بحزب ويوتر مسلاً ياخذ له نص  
ساعة او ساعة بالليل صلاة هيعوز ان وقته يمشي يعني سيف. يعني في رمضان آآ اصل بفضل الله يعني - [00:38:20](#)

انا مریت بمراحل زي دي. وناس كتير مرت في رمضان بقى عندها امتحانات. اه ييبقى في بركة عجيبة في الوقت. لكن لازم انت  
تكون ما تضعش لحزة يعني فكرة بقى انك تقعد وتفطر وتأتخ وبعدين ترجع وتقف بعد الصلاة وما فيش الكلام ده. يعني انت وقتك  
هت حافظ عليه - [00:38:40](#)

يعني السحور آآ يتسحر سندوتشات وانت بتذاكر وانت. يعني يعني انت هتتعامل مع نفسك طبعا ده انا بتكلم على الفحيفة اللي  
بيذاكروا يعني بتذاكر انتم بتذاكروا كم ساعة في اليوم؟ طب عايزين تذاكروا كم ساعة في اليوم؟ ساعة ده انا بتكلم بوظة بتوع طبي  
كان مذاكروا ست ساعات في رمضان في اليوم - [00:39:00](#)

عادي وسبع ساعات وكانوا بيصلوا تراويح اهو. انه كان في من كان قبلكم. يؤتى بطالب الطب ويمتحن بالباطنة والجراحة رمضان. لا

يزده ذلك عن الترويح ولا عن القرآن. ولا عن الاعتجاز. لو حد لو حد - 00:39:20

حاجة زي وصعب ان هو لو ما عملش كده يجيبه كله صلب عشان برضه نبقى واقعيين يعني انا لو لو انا آآ يعني هحط هحط لرمضان جميل لكن من الظهر للمغرب. ونام الفجر للظهر. وصلي تراويح حزب وريح ساعة وساعتين وقم وكمل - 00:39:40

يعني يا جماعة المشكلة ان يعني الابتلاءات بتشتد والدين بيبقى صعب وده من عقوبات الفتن انتشار الفتن من عقوباتها صعوبة الحلال وصعوبة الطاعة. بالليل الوقت قصير جدا. الفجر تقريبا الوقت بيدن قبل الفجر بساعة - 00:40:10

ده بيترن بدري جدا. يعني بيدن الساعة كم دلوقتي؟ الساعة ثلاثة تخيل الثلاثة ديت زمان بقى لما كان رمضان مسلا يجي انت بتصلي التراويح وتنام ساعتين وتقوم تذاكر ساعة ساعة وساعتين وبعدين تروح تصلي بالليل مع حد بيصلي بالليل. يعني كان فيه مساحة.

فالوقتي ان الليل محتاج ما فيش حاجة اسمها انت لو طلعت من التراويح قلت طب اروح اشرب عصير - 00:40:30

او نتقابل اه ناكل كنافه مسلا او مش عارف ايه الفجر ازن. لو لو انت صليت التراويح بحزب وطلعت زي تلاقي اللي في الاعتكاف صلي التراويح اللي هيوقف يتكلم بعد التراويح وآآ طب يشرب بسانك مش عايز اشرب مش عارف كوفي ميكس اصل ما هو برضه ما

بيلحقش يريح - 00:41:00

حاجة. حتى اللي معتكف فيه ناس بتعرف تستغل الفترات البينية. فانت لازم تبقى عندك حزم في وقتك. طالما انت بتطلب معالي

الامور هاي فيلاتنا قلب النعيم. ولا تنال بالراحة. لازم تكون عندك آآ جد وحزم. خلاص؟ طيب - 00:41:20